




12333

仲蔚先生集卷之十一

記

遊馬鞍山記



吳郡俞允文著



崑古婁縣縣之山馬鞍良次形勝旣麗不類土  
俗啟驕奢華歲向春鄉里通衢之人闔戶以往  
才彙強梁巖以相矜窮獨貧賤賴以為目當其  
時人有羸者矮者癡者瘠者跛者羶者口嚙者  
疥疔者聲者耳偏枯者眇者瞎者矇矓者牙黃  
者峻頰者髯如施朱者肥豕腹者韋條長者鼻  
齷劑不聶鼻穢者口耳缺者廣頰突脊項禿髮  
鬢者首縮而足極唇掀而齒豁者面五色具千  
恠萬象或數疾而同一人或數人而同一疾如  
是之人老幼男女蝟集蟻擁或羣而嬉或列而  
行或拔距走鞞或張春恭鞠或喜相弄逐或怒  
相搏擊或提壘挈盃或盛壺餐或邂逅交游扳  
連而往或握手道舊或倚樹歌咏或乘興而至  
興盡而歸或興盡而歸援之而止或以事牽道

俞仲蔚先生集

卷之十一

一

齊



經而游或以遊至事牽而返或戲譁人貌或滑  
稽射遠或恃勇乘危或反接特行或喘或溺或  
踰或笑或坐或卧或俯而僂或揖而讓如是之  
人不可彈狀山行郊游蒼集道隘當其時人有  
鮮好衣服張蓋擁衛瞋目咬啞擬于王公孩童  
雋效曜色增態挽袂憑肩迎風掩笑千聲百氣  
弄影驕豔抱鼓擬金鳴絲擊筑犀犀聚飲列炬  
而還如是者才豪強梁也翠盞金璫朱衣華裳  
拂擊日晴五色並輝足若蓮瓣輕盈點石刺蔓  
俞仲蔚先生集卷之十一 二

鈎蘿丹碧支裏數步之內香澤啞人左右侍女  
前呼後應人莫敢仰坐口評論如是者皆才豪  
強梁家也夾道驩呼笑罵騰踊卒然之間目不  
及張遺簪墮珥破襟絕襦婦女鬢髮彷徨孤立  
日落神沮垂首斂色如是者男女交錯也其侶  
聞之莫不蒙羞疾行自謂至此死有餘恨乃今  
屏跡然猶有不畏者牽引乘攜左顧右盼妄稱  
故道迷復環視肢體皤腰胛若束芻髻禿缺鮮  
塗澤衣服故舊不相掩覆解衣市物且唱且行

如是者鄉里貧賤也牲酒羅列揖跪拜立但恨  
無地先後卜祝吉者欣然凶者復續灌酒謝神  
焉者圍立禱頌唱瓦盆盂高下一人迴旋莫可指  
画如是者歲昔廟祭也牛牽馬驅鬣鬣行隊恃  
力扛石從事野燒競走益薪趨烈越燭爭占為  
能如是者牧豎也數十百人攢一短褐閑目捋  
鬚搔首譫舌語言若注不喫一字解衣散錢者  
為王公娼佛諸天者為馬牛愚頑無知憑依若  
神如是者浮屠也曲席結舍圖形繪象窳人穢  
俞仲蔚先生集 卷之十一 三

夫極口稱道其狀與浮屠等者皆望士望氣人  
也無賴男子駢肩鬣足衆口交唱一肯之內山  
崩谷沸反走却避豁然成路如是者毬擊也白  
眼娼罵足整不前偃臥隨道者游人醉也黃衣  
搗縮尼僧道士也幅巾厭襖武藝術人也屠酤  
酒肆呈紛豆貯乘軒弛擔植然梗道百色之人  
莫不投業呂為盛事人藉鳥禽相和烟日風火  
焱發續續紛紛文文章章具一肯觀豈不偉哉  
俞子徃觀而嘆曰韓子云脉病而肥者死今之



天下疲靡殘疾熒熒孤苦破衣敝屣盜無斗粟  
日暮無食談笑自若數千百人罕有出此皆沿  
習成俗猶敢驕奢華是亦脉病而肥者也何豪  
貴豐顯作一大官以囊橐計而視以為樂悲夫

冷然亭記

汝南周若年既植嘉卉珍木於園中中為樓館  
亭池使相映帶而亭西之隙又種竹數百个其  
竹俯然林林宗生葡蒸竦直特揭天表其蔦落  
落踈淨如含新霜如新解籜其影擅樂隨池水  
俞仲蔚先生集八卷之十一  
四  
中顛倒上下與它影相涉重重如畫雪封其枝  
月漱其根自樓中望之又滄若翠羽沈霧攢青  
控白汎濫不止余以為園之勝皆鍾于是竹而  
若年以為時當大火炎雲高比黃神嘯吟於裂  
霄黑蟻襲匿于重澗辟猶大鑪烘灼靡屈不爍  
垢汗沐體悒帽不怡而遂之竹所偃息其下仰  
視高葉密若編萋靈霽雲布躋于厚陰欲日光  
不得而獨有風冷然從之不覺體便意適煩紆  
為之解朝醒為之折而遊于清涼之區也是竹

于盛夏有弘益焉因復為亭居之名之曰冷然  
云其亭方不盈丈而欄檻周施可列坐五六人  
屬余為記將剝石而臨之壁間若年好讀書為  
文有竒思今稍出其竒于一事之微遂能忘地  
之隘移天之時而不羨夫淇園之廣山陰之奧  
也其事之美不可以不記

### 九龍山居記

出無錫北門行五六里有山曰惠山其形有蜿蜒起伏之勢故又謂之九龍云山亦不甚峭拔

俞仲蔚先生集

卷之十一

五

而其下長松茂林蒼蔚蒼蒼若積黛遠望疑不可入山腹吐乳泉不見其流而石池洳洳日數百人汲之不竭尤甘冽能使茶味良即陸羽茶經所謂第二泉者也尤料野為山居其麓乃得據山之竒勢取居之中為堂五楹而堂之左為崇閣其後為精舍居之隙復為亭榭而又中之以竹木浮之以陂池經緯合折繚轉相屬或高敞而舒或奧密而幽可以臨觀可以游棲入其室則翠巒白雲殊秀清溢時墮几席間真足



以娛目暢心眇然與造化者爭鶩於埃壘之表  
而不知其居是室也昔謝靈運述山居之美麗  
而事過於煩仲長統徒有願言而卒無以副之  
今林野實有其勝而無過煩之累斯居之善者  
也且林野先世宋禮部尚書文簡公者名重當  
代自稱遂初先生嘗為堂讀書山中已遠不可  
考林野追景世德悼前之遺乃復署其所居堂  
曰遂初茲不特專事乎游觀而已林野闔達有  
雄志嗜古博學方復潛精於此以弘詣其極而  
俞仲蔚先生集卷之十一 六  
致其大用於世此亦豈林野久居之地耶林野  
書來請志於石故志之

西野書屋記

休寧有連山連山之中拔起而溪秀者曰岐岐  
之西有瓊琅二川之水折而合流曰汉口其地  
風氣鬱茂清澗程子行氏家焉稍去其家之西  
地益勝而野迤邐連山則峻嶒峭巖攢青接翠  
出於天標又如高濤恠雲奔湊蹙皆靡有斷絕  
昔子行之先子汝義喜茲地之勝遂滌薈蔚剗

硤确决沮洳使就夷曠為屋數十楹以藏九流  
之書命之曰西野書屋其前清池漣淪澄瑩玉  
潔池之外匝以平疇果園其後古松千章其傍  
脩竹萬个昏旦與連山一色氣候變狀雖善画  
者莫能悉其變也不遠舊廬別出新賞人跡罕  
雜囂塵不來而汝義時讀書偃息其中間嘗為  
詩歌以攄遐思哉沉滯求六義之所歸余雖未  
識汝義汝義其賢者歟汝義沒後二十年于行  
懼屋久傾隄時為飭而新之而乞余為記以述  
俞仲蔚先生集八卷之十一  
七  
百  
先德必使傳遠若于行亦豈不謂之賢乎余聞  
程氏自唐都使澧當黃巢之亂集眾拒守始徙  
家汭上迨今三十餘世子孫益蕃衍而多賢今  
觀于行父子其不信然哉遂為之記



仲蔚先生集卷之十二

吳郡俞允文著

傳

何公傳

公名正緒字克承姓何氏其先閩人宋時徙會  
昌白埠家焉公仁厚樸直喜立名節公歿季弟  
正約甫十歲伯兄正纓有遺孤六尚髻鬢公憐  
之力為撫育友愛備至此壯任事乃悉出其遺  
產及所嘗自致貲財殆以萬計各令自裁取不  
俞仲蔚先生集卷之十二  
私一錢親舊有急輒復相為假貸年五十時虜  
數犯境公輸粟餉邊詔特嘉之賜以冠服能退  
讓以彰義聲公家世稱右姓然夙遭閔凶公身  
自持其家日夜籌策益拓其產起富而恂恂備  
飭不欲隨世俗競為侈靡邑令高其行召以鄉  
飲亦固辭不赴會昌介閩粵東鄙積阻多盜賊  
往往負毒弩竄伏林嶺間公嘗被掠盜驚謂曰  
吾聞此公素長者擇之其累行積德雖至暴能  
感服如此生卒雅嗜泉壑邑中有兩帝嶺最勝

因自號少儼以寄其志又曰東南海中有三神山其上有碧儼故云年七十四終公孺人同邑小田劉氏邑南行八十里曰湘鄉有九田之屬川谷平衍居多巨族而小田劉氏為著以故孺人婉孌端慎宗族並仰其儀範子三人泮湧渭渭明經以學官弟子負為國子生授崐山丞廉敏有幹略稱能吏焉贊曰何公負義取官分財昆弟奮氣立行不微名聲而其子渭為丞崐山吏民敬愛好揚其父之名卒使士大夫數千里俞仲蔚先生集八卷之十一 二  
外無不知公所謂避名而名我隨豈不賢哉詩曰豈弟君子四方為則斯之謂矣

### 周公傳

公名夢山字思仁更字維岳姓周氏蘇州崑山人也為人質厚內敏不肯矯飾異衆強記博覽經緯百家之書為文浩汗橫發罕切切繩墨而自能致美初父震為御史鯁直忤權貴出為浙江按察僉事公時年最少同官子弟多長與偕試語獨絕出不類咸共嗟嘆以為不及後以諸



生院試藉、有聲名次應餼廩公意丈夫俯手  
取一第此不足為也輒以讓貧者同縣吳公中  
英高流也慷慨弘辨薰動一時於廣衆中必引  
公以為重年近五十同學生才望遠出公下率  
至貴仕而公尚濩落恥守故冠履與青衿躑躅  
黷校間有子三人曰之程之稼之穆之程之稼  
已補諸生而公遂棄去放志區外賦詩自適時  
過親舊飲酒必數斗露醉乃去唯奮髯大笑而  
不使酒然不善治產晚歲家貧屏居馬鞍山陽  
俞仲蔚先生集入卷之十二  
三

日晚誦浮屠老子言以為西歸津梁益與世泊  
如也公性尤篤友愛父沒仲弟不勝繫徭公代  
為之撫幼弟妹如已子從姪後封少孤公為檢  
誨備悉後舉進士官至金華太守終不自言其  
德以此世皆稱為長者隆慶元年卒時年六十  
有二

俞子曰余與公善餘四十年公恬淡不附世榮  
曰嘿々手自讐校其書數百千卷以至沒齒良  
亦勤矣而卒不得少著見於時諺曰力田不如

逢年此士之所以不遇於世豈盡人力也哉悲夫

俞仲蔚先生集入卷之十二

四



南唐臨淄侯歛石虛中傳

石虛中者歛人也為人端厚堅密其先周時太公望與九人者佐武王定天下而石氏甚有功太公因為詞戒之曰石墨相著而墨邪心讒言無得汙白遂著之金匱之書以藏焉周末有與中山毛氏者贊孔子作春秋春秋成而毛氏去唯石氏孔子歿後猶留居廟中世由是咸推石氏而石氏族亦繁衍其在端歛者最有聲歛又為最值上無好文者浸遠跡當世唐開元中歛

俞仲蔚先生集

卷之十一

五

屬縣有獵者逐兔至長城里遇石氏於巖穴間甚器異之歸以告令而世復知有石氏其後南唐據有江淮歛郡太守始以虛中薦虛中為文有符彩好著綠縠單衣然在山澤久於國家制度罕合乃使其客李少微與之齧磨焉虛中為硜然變色客曰吾聞玉生於山制則破焉非弗寶貴矣然大璞不完君殆若此者乎虛中既至京師上聞之喜曰重客至矣召見祕殿虛中伸眉詣前直披腹心隨所任使意津津有以自得

也尋拜即墨大夫而絳人陳玄中山毛穎會稽  
褚知白三人者皆已用事虛中與三人者未嘗  
去上左右而後主尤留意文學寵至特至號為  
四絕天下亦謂之四友無何三人者相繼物故  
子孫以父祖積勞復見召用虛中老臣與後進  
雜處每嬰拂逆蒙渙忍心頗啣之一日上書倩  
客為撰草其略曰臣本伏產蠟窟甘守鈍樸其  
地當連山蜿蜒狀象龍尾因號稱龍尾石氏而  
道險鬱絕鮮與世通不圖卒遇林虞轉偪州部  
俞仲蔚先生集入卷之十二  
六  
謬得躋金門上玉堂承清燕荷陛下之殊渥遽  
令發藻濡翰以吐胸中之奇臣時誠離割裂不  
敢以尸素自怠今臣已老敝又苦消渴疾膚剝  
角摧形色悴沮恐旦暮填溝壑不知丸礫混體  
乎初臣與玄穎知白同忝供奉而臣實為劣今  
三人者忽並淪謝而臣獨碌々自以為有磐石  
之固老不知退塵毀之來嗟何及矣誠得還歸  
本土長保骸骨臣不勝至願書上上笑曰虛中  
生平無一言著石言於晉石果能言邪愈益重



虛中詔遣中涓給尚方金壺漿可療疾者并賜  
休沐封臨淄侯唐已後去民間十餘年莫知所  
在宋興多有言虛中者子孫咸至融顯矣贊曰  
漢石奮父子皆以端厚不言躬行見重其主虛  
中含玄養潤而臨事察々無脂韋之態豈其苗  
裔耶司馬遷以石氏為篤行君子虛中近之矣

仲蔚先生集卷之十三

吳郡俞允文著

墓誌銘

己友周于舜墓誌銘

于舜諱鳳來姓周氏吳郡崑山人也曾祖諱璩  
贈資政大夫南京刑部尚書祖諱紹累贈資政  
大夫南京刑部尚書父諱倫以進士授新安令  
擢監察御史累遷至都御史南京刑部尚書進  
階資政大夫贈太子少保謚康僖公有四子鳳  
俞仲蔚先生集八卷之十三 一 黃竑

鳴大理丞鳳儀太學生鳳起太僕丞于舜公最  
少子也公尤愛之嘉靖初公以都御史嘗巡禦  
江南歸鄉里太守郊迎州縣吏相推排擁車騎  
出入威采甚盛是時大理丞並有名點父子顯  
尊而都莫與為比而于舜穎敏夙持童孩已如  
成人雖生而有黼黻梁肉之饒樂非其好也為  
太學生即不喜握齶諸生間乃獨依林攜堂櫺  
軒回環以文本為壁甚精日燕處其中以閑絕  
人事罕嘗至其家好釋氏書因取釋氏所謂夢



幻泡影雷電為六觀者名其堂自稱六觀居士  
悉出其藏數千金購天下奇書圖画及古彝鼎  
璜玦之屬合珎怪衆物居之以歛其精英又難  
奇香令琴氣叢越芡勃篁竹間翳翳如輕雲出  
山烈日夜不欲游其堂紛雜盡屏眇然長懷有  
幽人之想故同郡楊公循吉有當世重名時年  
八十餘矣奇譎寡合獨嘆其高雅為綴記其事  
人士往往翹企思與之游焉能為五言詩善楷  
法多放依趙孟頫通古今名物辨證剖剖有卓  
俞仲蔚先生集人卷之十三 二

識諸稱洽淡者莫之能析也然醇謹自親常慊  
慊飲酒至醉能為莊語人或犯之亦終不以屬  
意尤悖行孝悌遇宗黨雖疏而有忍年三十有  
三嘉靖三十四年五月十六日以疾卒娶徐氏  
先卒繼娶吳江趙氏皆無子側室強氏生子男  
一曰汝蓀女一皆幼太僕以濟南監鹽官廩卒  
獲遷比歸遂卜以三十六年十一月三十日葬  
于舜于縣東南車塘錦里原先塋以徐氏祔焉  
先期以其孤來請銘曰吾弟臨歿時嘗有託於

子也。非子無以俾其有聞。嗚呼！夫子舜以貴游名公子，能自出於常習之外，以恬佚為高，而又汲汲于躬行之實，可謂士林之逸秀者矣。卒以夭折，而使其賢盡。于是誠為同志者之所痛悼，不獲辭，乃甄述其休美為之銘。曰：夫既溷溷，終不可徙。子幼志澌離，若天所啓。子劄榮以為華，所貴在己。子深閤外拒抗，跼自處。子懷瑜握蘭，蘊內美。子行之專專，不逮是。恥兮，俾耆老者稱賢。疇不可喜兮，賢不受年。奇願未止兮，吁其太息。冕又何以子身殞，聲名垂永。邁于先執兮。

俞仲蔚先生集

卷之十二

三

葬

亡女壙塲誌銘

亡女者，予之首女也。年五歲而夭，生即嗜病。遭予之窮多故，故自喜賢於生，男摠為詩篇以戲之。女既病，益慧語，班班增出。非平時所引視說，家人私以怪女不敢顯言。然病數變，日錄乃氣滿水浮，膚衍缺，益以嘉靖十八年八月三十日。後其生二日死，遂以其冬十有一月，塋先廷尉。

府君墓封外東北三十五步，刺辭於玄埤。辭曰：



吁嗟令女含和嫵柔瓊枝翠華秘玩藏幽奄忽  
而然飛遁焉求轉屍中野棄而不收闌節不任  
枯腊伊優令辟為坑蓬顛為丘有桀松柏液髓  
膏流寧披重雲靡盡郭周千歲不食變化為芻  
哀哉恣忍沉憂

明故鄉貢士梁府君孺人狄氏墓誌銘

孺人諱某姓狄氏考存耕翁諱黻妣虞氏兵部  
侍郎諱祥之孫封兵部郎中諱震之女存耕翁  
素饒資財而外家又貴孺人為翁最少女愛之  
俞仲蔚先生集

卷之十三

四

擇壻必名族乃可乃得梁府君府君諱九萬其  
先元時有諱元德者知岷山州事因藉藉為岷  
山人達今二百餘歲仕官不絕而泉州別駕朝  
列公諱純實生府君府君高朋行直方與人不  
輕合為文藹質而豐於理甚有聲稱工部侍郎  
李公充嗣治水吳中聘府君教授其子親往謁  
其門傳瑞苙奕時人莫之比也然卒不遇時以  
貢士詣選部客死臨淄道中孺人年十六歸府  
君敏惠端嚴能盡婦道事尊嫜孝謹處娣姒間

委曲合禮府君媵婢七人而孺人遇之無嫉妬  
之嫌悉平均有恩如母子用是中外推為女憲  
孺人舉二子不育諸媵婢皆無子府君死以仲  
兄高唐別駕諱鳴鶴次子介為後介為子陽訓  
導死子陽生女子五人其三人嫁學弟子朱景  
太學生張廷傳縣學弟子張道隆皆夭死其  
一人嫁太學生嚴汝賢又早寡介為其妻者且  
多病而貧不能以養其母孺人泣曰天乎吾命  
之不良乃至是耶遂斥斷葷食日夜哀禮事佛  
俞仲蔚先生集 卷之十五 五  
能出世之煩惱而願生西方夫人苟非哀窮戚  
之極則無以興妄思嗚呼哀哉嘉靖四十一年  
五月十五日竟鬱鬱得疾死享年七十有六子  
介娶周氏孫懋元以孺人既死之四年卜四十  
四年二月十七日合祔于 之原府君之宅  
而請銘於墓石其雖不能文竊惟孺人之賢宜  
偕顯融豐其胤嗣萃膺繁祉以光紹其宗而天  
之報施咸缺焉是非追憫孺人之潛德若夫悲  
哀窮戚之思與死之日日則何以傳後世而安



神心軌為之銘曰嗚呼孺人懿德是將誕生令族配合孔良之胡不泚卒逢其殃莫寄其悲願生西方彼昭昭乎而第蒼蒼曾慳厥靈不俾予臧歡幾何其憂獨長咨后媪子俟來世之慶

張母鈕孺人墓誌銘

孺人通進張公諱寰之側室也姓鈕氏其先世淮陰人嘗客遊吳遂為吳人父諱某母許氏初通進公元配王宜人三十餘無子而祁州府君惟生通進一人甚憂繼嗣遂擇娶孺人孺人歸

俞仲蔚先生集

卷之十三

六

張氏年甫十五又四年遂生子恒慕為公之長子時祁州府君以為張氏有後矣公妣徐太宜人与王宜人皆厚愛之府君高才不羈未五十到官輒自免歸公亦大度鮮可生產而孺人年少惠敏實能贊理中饋稱賢其大人後公為刑部時恒慕方齡穉而孺人獨留于家延師教子嘗夜不寢守其子讀書比公歸恒慕已壯大能屬文孺人益有力焉且公去位後好遊名山歲卒數月不歸歸輒賔客踵至其門公有子四人

恒慕與其弟三人更共養公人比之陸賈公年  
且老齒危動看饑非溫淳熟軟不能食孺人為  
治具極其精腴以為公歡公每過必留止踰期  
而更孺人平居布衣躬自紡績每當戶風寒竟  
日不解恒慕為張屏風坐側乃反不喜曰惡用  
此費為也其織畚即瓶罌救器不忍棄之處屋  
婦間始終無嫌間雖僮奴操之皆有恩某年月  
日卒年五十有九子一人即恒慕以其年月日  
葬于某字圩之舊墓而乞銘于余余惟孺人為  
婦為母皆有儀法其子又退讓而能文能設其  
母氏之潛德其於公家有累世之厚遂為之銘  
曰 婉婉孺人淋瀝齊止克合于張葦公胤嗣  
奉公之終後公而死載祔于公惟千萬祀

沈孝叔權厝誌

孝妣諱象賢姓沈氏其先山東人也元末世擾  
亂徙蘇州之太倉後復徙崐山今為崐山人曾  
祖諱祥黑官至四川右叅議祖諱時以進士為  
恭和令父諱侑太學生母項氏孝妣生 歲而



喪母十三而喪父獨繼祖母夫人馬氏在孝料  
既幼不能家家日已貧稍長乃砥行讀書龔自  
振拔師事其從兄世封受左氏春秋頗能綜其  
終始為文詞婉約有度試補為邑諸生邑令王  
公廷盧公守得其文咸加器異而孝料亦自念  
取科不難也然每試輒不應指意卒卒不樂歎  
曰吾少無父母即無以自振拔寧復與里中子  
逐逐耶遂與同輩浸遠性嗜酒至是亦斥絕  
不食閉門歲餘以嘉靖二十五年九月十九日

俞仲蔚先生集

卷之十三

八

竟憤懣病死年三十五妻王氏封禮部郎中時  
賜之女三子守愚守謙守 守愚聘俞氏即余  
之兄子也守謙為後其從兄同封聘陸氏二十  
九年九月十九日權厝溘瀆浦問字圩先塋後  
兄文封與其孤守愚以銘乞予嗚呼孝封以醇  
懿敦默之資而遇人甚謹雖羣聚嘲譁竟日而  
孝封獨含胡不聞發一語與孝封遊者莫不愛  
敬之及聞訃莫不痛悼之而獨以銘屬余余其  
可辭也予嘗以為士不能有所蔽明功名予當

世則務存乎其言故身死而行事不得與之變  
然源積累有成學與得所因附亦何能自致于  
遠也每覽書傳所載其事若此類者多矣而未  
必皆若吾孝料之賢也今孝料既困阨且天又  
不幸而不得其人以傳則吾之知孝料者自吾  
而止矣嗚呼吾誠悲孝料之無稱焉以自忽也  
銘曰世適適壽頑齡子搏搏天既生衆孟晉輶  
紛榮子獨鬱意不盈毛邁愍含淋清罔攸憑殞  
鴻名經日月迥西傾篤繫祉後後成

俞仲蔚先生集

卷之十三

九

共

故處士程汝義妻汪孺人墓誌銘

孺人姓汪氏休寧汧川人也父處士諱尚誼母  
查氏孺人為處士次女適同里程汝義生子男  
二長曰善定初娶高山吳氏淨之女繼娶大宅  
陳氏鈿之女次曰善夫未娶而次孫男一曰起  
家娶五城黃氏漳之女孫女曰孺人端敏柔淋  
克閑四教而又詳於女紅夙標令問始自為婦  
而姑金安人已即世恨不及養乃并力中饋晨  
昏必求腍味以奉其舅氏備孝敬之道舅繼室



汪氏持家急諸婦頗嚴事之不敢近獨孺人愈  
昵事之甚謹異其悔悟後汪氏果自慚悔以孺  
人為賢孺人睦娣姒亦靡不盡其誠愛由是一  
室嘻嘻如居父母家時也舅嘗以舊廬湫隘欲  
旁拓之而窳後墮斃一時止與治辦孺人以介  
婦輒身先并白給食而事卒以倚辦舅既家居  
令其子行賈承什一之息汝義行賈歸必悉致  
其息於家不以毫毛自私篋中蕭然如未嘗賈  
孺人益為纖嗇脫簪珥佐之終亦不私一錢人  
俞仲蔚先生集八卷之十三 十

咸謂汝義之行義多孺人助成之也亡何而汝  
義客死嘉定孺人聞之每至痛絕以死自誓時  
二子尚在髫鬢親舊相為勸沮孺人乃為損哀  
抑志日夜盡瘁營克其家長養訓成其子家浸  
殷郁踰於汝義時而又能周亟恤孤推賢中外  
之黨于時二子更行賈而善夫仍客死善定吳  
氏婦又死孺人哀慟邑邑成噎幾十六年善定  
編求巫醫不能療陳氏婦乃為禱神封股肉作  
糜粥以進孺人食而甘之疾亦良愈已乃命善

定曰汝生產積著俱在崐山豈可恚委它人其  
往視之既而善定至崐山患危疾孺人疾亦亟  
動竟不起是歲為萬曆四年丙子八月廿九日  
也享年五十有九善定卜以萬曆己卯年二月  
初四日塋孺人于古塘山之陽而以汪君禹又  
狀來乞銘余惟善定生平痛父之早世今又以  
疾淹異縣恨不獲親母氏之含歛無以致哀其  
親謂非墓銘則貞淑之操無以昭著於後且謂  
非余無以志具其事余既嘉孺人之賢而善定  
孝之篤又如此其昌能辭輟為之銘其墓石銘  
曰 於惟孺人天民淑姿爰丁鞠函矢志不移  
為婦而貞為母而慈中外肅穆允式其儀宜享  
萬年奄然以歸哀哀孝嗣罔致其悲後後之知  
刺此銘辭

吳孺人權厝誌

孺人諱金玉姓吳氏休寧高山人父諱淨妣程  
氏孺人自多性姿端敏初舅氏程公汝義為其  
子于行擇配委禽焉既而汝義客游嘉定值島



刻掠困圍中得疾死逢旅孺人時尚髫鬢聞  
之輒中夜飲泣悲傷竟患臁空不能有瘳比歸  
程氏亡何而姑又痛其少子夭折病膈噎加甚  
孺人日侍側扶携進湯藥為寬言慰解嘗念言  
觀膏大士能拯拔諸苦時為寔禮求代兩膝至  
皆繭起無情容積數年而姑疾良愈人咸以為  
孺人孝誠所感以至至中饋睦外姻致勤盡致  
並有儀法然生男多不育唯生一子遂為于行  
買妾而身竟以隨產死是歲隆慶三年八月廿  
八日也享年三十有一子男一起家娶五城黃  
氏漳之子女三許璫源吳昇潮五城黃惟兆其  
一尚為于行以孺人卒之後三年春 日權

俞仲蔚先生集

卷之十二

十二

厝于鳳林之原將更卜良壤以葬持其狀乞志  
夫女子事尊嫜而能隆孝敬之實待妾媵而不  
蓄嫌嫉之私雖古女史所誠無以有加而孺人  
之賢於是為至乃不克永其年悲夫聊為志其  
大者于石辭曰 行之淵子而命不泐天之常  
厥德子不常者為酷獨罹此酷而長冥子何九

陽之不燭昭昭者唯銘辭兮予以志夫陵谷

三兄階甫埋石志

君諱允升字階甫疎達有才臨事能隨口辨折  
年四十為諸生家貧不得意益負氣不肯屈人  
乃求事可以見功業取名聲於時者以為吳非  
有南金象齒寶玉丹砂之饒而獨藉於田農田  
農之務莫急於水利熙水利不修歲遭旱潦百  
姓荐饑常賦不登

朝廷時有膏旰之憂故因刺置單諤諸子水利

俞仲蔚先生集八卷之十三 十三

書條其可施於今者上御史呂公洵呂公大悅

檄州縣齎糧令得浮遊五湖間相水利官之所  
由仍令與海虞鄧公等撰水利圖考頗以工費  
浩煩宰相又厭言災荒卒不果行後數年海濡  
盜起乃復言謹斥堠及練兵錢穀之法數十事  
太守王公通行與語合運為上客因留館郡東  
南佛寺中時步入府議事稍不合輒為危言撼  
之諸生時有在坐上者皆為屏息而王公益加  
禮厚居數月嘗苦瘡滿病甚王公為訪疾寺中



復遺以金歛歔不能去比歸數日竟不起是歲  
嘉靖四十九年四月十二日也享年五十有四  
王公行縣親拜其喪為文祭之言士徒以無用  
之文希取世資至於臨事則錯愕不知所出曷  
若吾子通明權略研窮當世之務論事成敗得  
失即衍稷下諸生何以加焉而竟淝、困於繩  
墨以死豈非命耶痛哉生平所著復有時政十  
議蕪湖志鯨磯山志若干卷並傳於世初孺人  
顧氏福建漳州照磨鼎之女子男一人大猷武  
俞仲蔚先生集八卷之十三 十四

科舉人娶周氏女三人繼孺人周氏女一人孫  
男二人溫舒仲舒女二人大猷卜以隆慶元年  
九月十九日葬君於夾潮塘先廷尉府君之墓  
翁氏之族不著顯府君又蚤世而君與弟允次  
允濟皆少誓以翼相覆掩庶幾終自振拔未白  
首而復相失誠有罔極之痛不能文故特叙其  
行事與死之月日而志諸石

三弟季通墓誌

季通余弟也名允濟一字楫甫先廷尉府君早

世余兄弟三人季通最少鮮師友之訓性穎敏  
獨好書籍架上嘗疊數千卷尤喜莊周韓非司  
馬遷淮南八公之書纂其玄言而誦習之以為  
文然率與時齟齬年至五十每歎無所見於世  
思欲托事以立名節在諸生中有屈者輒徃直  
之語人曰即死後世亦知吾能以義自累其生  
者也為人負幹局能兼他人之事所奮先人

敬廬傾陔不蔽風雨遂劬力經營二十年一旦

翕起新之以易常觀棟椽連列軒櫺通明可晏

俞仲蔚先生集入卷之十三 十五

坐焚香而游娛其中余因名之曰清晏之室而  
季通於此終不敢少自休暇以為生則營之死  
則休之天之道也知者咸謂其才見用宜大有  
益於世而竟不得用故居常多邑々恨其時之  
不逢也隆慶二年七月二十日病下痢純血死  
享年五十有二妻周氏大理寺丞鳳鳴之女  
南京刑部尚書太子少保康僖倫之孫自幼奇  
警明慧知書大略雖族貴隆赫而為婦恭慎侍  
先妣黃夫人疾甚謹娣姒同居能先意通緩急



無驕盈之習絕嫌間之言毋顧宜人寡居事多  
諮決其女計事成敗識大體類非女子所能嘉  
靖四十年六月三十日先七年卒享年四十有  
二子男一伯良娶陳氏行都司經歷陳簡之女  
女五壻朱世節縣學生縣學生秉僖之子王純  
府學生温州府推官一誠之子王協貞南京刑  
部主事執禮之子支如雷縣學生三錫之子顧  
震嘉太學生咸康之子伯良卜以隆慶三年十  
月十五日奉季通之喪葬於夾湖塘有字圩之  
俞仲蔚先生集八卷之十三 十六

先塋以周氏拊焉嗚呼俞氏門緒不昌久矣季  
通忽先予而死其婦賢亦既夭折死伯良孤苦  
孱弱甫有室而諸女皆髻髻線斬適人余又哀  
夕淪漂骨肉遼索生民之艱殆極於此既葬之  
三月丘墓草生時日滋遠伯良將懼名字湮滅  
悽愴興懷請余叙其行事刻石而埋諸冢側以  
示永久是為誌

仲蔚先生集卷之十四

吳郡俞允文著

墓表

故處士朱君墓表

公諱佑字思順姓朱氏崑山人年六十有九嘉  
靖十八年九月一日卒以某年月日塋于縣東  
北夫字圩中樂汪東原先人之墓域左然其墓  
位以族塋冢累累不能容故別為墓以塋君塋  
後數年其孫熙洽謀立石表於墓而以狀來請

俞仲蔚先生集

卷之十四

一

言

書君之出與其德曰曾祖諱某祖諱永父諱凱  
君沉粹而敏學家頗多藏書籍然遇火君獨聚  
其遺書藉讀之至老不廢通戴氏記諸書尤精  
朱子小學以其言為師楷教授子弟平生好賙  
人之急而室怙如懸罄與人必擇而後交不利  
削責人人有爭訟者每待君而解用是里中以  
長者聞而君絕不求聞於人晚歲惟喜種菊花  
開時輒召儔侶飲花下意徜徉甚自得也君娶  
吳氏賢有儀法而以營劬勤治其家年六十有



三嘉靖十三年十一月廿四日先君卒權厝墓側速君塋以二十一年月日始遷祔焉生子男四人惟新 女一人孫男 人女 人曾

孫男 人女 人夫朱氏其先世自曾祖而下皆有隱行以至君之賢宜顯幽而不揚今熙洽於諸孫最長穎然負才彥明經能為偉文辭取聲將日昌其家又豈非積德之所著歟因系其文曰朱氏五世善損益惠悃幅德惟君君之嬉娛保和淳蓄幽其光燾祉芬延垂子孫以家俞仲蔚先生集 卷之十四 二 成麓蓑致勤獲豐殷厥土敞衍室新瑩松柏鬱茂爛滋榮刺文表之永攸章

仲蔚先生集卷之十五

吳郡俞允文著

碑

嘉定重建啓聖公祠碑

天子即位之九年考禮秩祀乃以孔子至于今  
數千載為天下通祀而子孫膺世享之封易代  
奉之有褒無替而於梁紇尊為聖父而神位獨  
與七十子之徒輩列于廡廢禮逆祀莫此為甚  
乃詔天下自太學暨州邑並建祠為專主禮祀

俞仲蔚先生

卷之十五

一

碑

隆其爵為上公曰啓聖公復配以額無錡曾蒧  
孔鯉孟孫氏及宋程餉朱松蔡元定七人用推  
聖孝以啟教本傳之罔極嘉定吳東鄙之邑初  
嘗奉 詔建祠然僻居學宮東隅門西向側出

處所逼窄無以展禮飭事邑侯萬君思謙至官  
克勤大節亟用靡寧諮詢稽度爰擇爽塲協位  
定制歛羸宅徙齊事命日惟夏四月三旬而成  
廟既改作大壯厥初昭祀孔嚴徂庭生敬于是  
訓導施吳教諭陳文鉉邵本學生潘士英唐欽



堯陸琦唐尹等來告願刻銘以紀戾之勤惟孝  
之大者莫若以天下養以天下養宜莫若舜而  
止于其身孔子生而父死長而疑其父墓處及  
母死塋于五父之嚮而始獲誨于厓人觀父之  
毋孔子養不及親至於今數千載卒能顯其親  
于後世為天下通祀此其孝信有踰于舜者惟  
天子崇孝敦本而其禮加隆于古昔能揅孔子  
之志惟侯研滌道基又能闡弘德意勤於太節  
俾士民知教化之所由且是役也即事有漸得

俞仲蔚先生集

卷之十五

二

政之經誠不宜專使魯戾泮宮之事著美前載  
也乃作銘曰 於昭孔公天粹醇德玄立制命  
應期五百誕育至寶舍此聖極應世承循享祀  
則咸天子永思百神咸秩汰逆明順率禮作則  
光聖元孝不顯在昔肆詔邦畿爰暨州邑惟此  
廟貌厥初孔窳萬戾其勤實殫厥誠卜遷于休  
是經是營維臺巉巉維棟絃絃乃作石門合于  
大高新廟既作是告是遷崇報孔嘉神樂其歆  
濟濟多士克廣德心振振萬侯受天之慶聚石

刻詞以永令名

吳江縣脩城碑銘代

吳江古松陵地為吳越要衝昔吳越王鏐偏據一方始城吳江以巖保障其後張士誠復拓為之速國朝奄有四海久屬承平城日就傾圮往時海賊劉通施天泰等接踵入寇民逆莫能自保正德癸酉吳江蕭侯九成仍行營廢址益拓為之而民雜恃以無恐然平時吏至不三四年輒易去時亦幸以無警轉相因循不復俞仲蔚先生集八卷之十五 三 百  
繕葺故自正德癸酉至今四十餘年而城之傾圮者亦已殆半比歲倭奴肆雷率取路吳江危偏特甚德安楊侯適蒞茲邑戮力拒守又出顯畫大破賊於陳墩之野賊自是不敢窺境侯尤以賊勢未決非城無以自衛遂白監司聚貲贏糧協衆命日鳩工就功始事於某年月日即以其月日而城成千雉翼翼樓櫓翬翬百廢具興大壯厥初於是邑之士大夫相與歡慰請紀其事於予曰昔蕭侯之役王文恪公鑿為紀其事



民至今知有蕭侯今楊戩丁離亂凋瘵之秋而  
克以賢勞自著貽我以安以有完象侯誠有大  
利惠於我也蓋紀之俾哉後世知有楊侯不亦  
善乎余惟古之才賢能與民捍患興利者往往  
其遺蹟與其所載記未嘗廢也是以莒人持陋  
不脩卒取困敗而春秋於中城武牢成周之後  
必謹書焉以垂法後世况楊戩有惠利於民若  
此而可缺於紀述乎且方今 朝廷急於用賢

之時如戩之賢而未獲顯用屈宰一邑施小利

俞仲蔚先生集入卷之十五 四

惠於民吾固知其不能久繫茲土也茲特書侯  
之事以告來者俾知侯之心而不以急廢則民  
之蒙利奚止一世而已而諸君之請於是為宜  
第余之言不足嗣王公之後而張戩之賢也侯  
名其字其復為之銘曰 維吳之壘爰有松陵  
襟江控湖百川所經南館楚越北走幽并粵昔  
錢王是經是營以捍外侮於焉是城我明之興  
實偃甲兵吏狎政玩日陔日傾蠢爾荒夷穢我  
郊垆楊戩之來是艾是懲誕奮厥旅以血脩飾

作千萬年惟侯之慶敢告執政有此刺銘

前仲蔚先生集八卷之十五

五





仲蔚先生集卷之十六

吳郡俞允文著

行狀

先妣夫人黃氏行狀

先妣夫人姓黃氏世家崑山曾祖諱公祖諱公  
父諱公母陶氏夫人家世受農父稍崛起行義  
而散其所聚千金養豪鷹課獵田間又喜乘騎  
有直氣生夫人夫人兄弟五人最長生而通敏  
不類初先廷尉府君失初夫人方氏聞夫人乃  
俞仲蔚先生集卷之十六 一 宋  
婚焉夫人年十八歸府君府君時為諸生先大  
父視子嚴急子弟植立庭中令體不得搖家人  
以文字通口語雖媪婢強必令喉轉不得輒鞭  
擊之語一發無留行乃可時夫人故年少然善  
於候伺於所喜即有合能空資賄以赴家之急  
故大父數稱譽之以為新婦賢然時村妹嚙喏  
滿室夫人与之居數十年皆結接有恩及少姑  
未嫁夫人為裝遣甚設如已女夫人為繼室於  
他族能兼禮之如已族故允文有西外家而予

弟咸憚敬夫人無毫髮可間指為私語先是府  
君官於閩越間及遷廷尉府凡四為理官無深  
文者亦以夫人為之內也嘉靖初府君喪於南  
京夫人新寡而邑多繁徭耗其家太夫人陸氏  
昏夜抱持兒啼泣夫人事太夫人唯謹嘗私語  
兒太夫人春秋高兒無以事膠夫人心夫人居  
必蔬裳祭必臨哭如始喪未嘗以他游謁輿舁  
姻舍日訓督其男以檢書傳令與邑中名士交  
通躬勤饕餮以饒賓客且日給其家百數十人  
俞仲蔚先生集卷之十六 二

然夫人以沉度實無一錢意闊達如未嘗貧也  
夫人為人權和口無留言奩無留幣齋物以賑  
貧族依義以薦疏姻在幼教婉孌之儀既嫁肅  
移賢之美故夫人歸府君者三十有一年而中  
外欣欣無變詞矣夫人生子三人允升允文允  
濟皆學官弟子允升娶太學生顧昂女允文娶  
故太學生梁九萬女允濟娶大理寺丞周鳳  
鳴女孫男一人伯靈女四人皆幼夫人以先君  
卒之明年傷憂憤成疾後數年疾動疾病二年



嘉靖十六年十一月三日終于內寢嗚呼痛哉  
惟先君之強年年四十有一而卒以及天禍夫  
人後先君之沒十有二年年五十而又奄忽以  
罹鯁疾嗚呼天其暴摧折之有如是哉嗚呼痛  
哉不肖孤允升等卜以嘉靖十八年十有二月  
七日奉夫人之柩祔於夾潮塘先君之墓嗚呼  
不肖孤生無以寧夫人之居歿無以為夫人融  
顯罪戾崇於厥躬猶復含血被肉不能即死茲  
乃輟哭輯叙夫人世系行事敢請辭于大人先  
俞仲蔚先生集卷之十六  
三

幸蓋先人之大幸也

仲蔚先生集卷之十七

吳郡俞允文著

頌

文德頌

并序代

嘉靖三十六年春天子命侍御史河南尚公巡  
行南方公行部必先即學宮拜孔子廟見諸生  
及試其所有以敦沮勸先是學宮與孔子之廟  
皆毀壞不治唯蘇州暨常熟華亭丹陽丹徒金  
壇為甚公惕焉弗寧深唯孔子至聖而當世不  
能仲蔚先生集卷之十七 一  
能用退而考三皇五帝羣聖人之行事與其書  
而刪述之盡經緯叅贊之能垂貞明之法式於  
後世至漢主好文始立廟祀孔子選孔子子孫  
置百石卒吏一人守廟典主禮器大宰大祝令  
皆一人侍祠而非通祀後世寢以為隘乃遂自  
大學以逮郡縣皆得立廟學宮通祀孔子以為  
萬世師令諸生誦習講說其中春秋祠饗知法  
式之所由始雖三皇五帝之隆比茲為禩今學  
與孔子廟皆毀壞不治則何以示崇褒興教基



公由是亟命有司斥其羨財僦工改為飾舊益  
新命日而成剡陰開陽曖昧昭晰物睹壯麗之  
容人知道德之尊而諸生莫不憤悱麇集各竭  
精銳而興于學思不斲孔子之法式夫公天茂  
粹質純懿博達綜覽羣書誅備九德撫柔元元  
滄滌瑕穢所向豫震而尤克先本政以弘化厲  
賢風動四方昔僖公有脩泮宮之德文翁有儒  
化之美魯人歌之漢史記之矧公斯役之大而  
民曾不知有費務力役之煩是公之于文德可  
謂有加于古矣能無頌乎乃為之頌曰

俞仲蔚先生集

卷之十七

二

明明天子誕命股肱服眩伊何厥惟尚公尚公  
其勤巡此南方朱衣繡裳有乘惟驄炳炳其猷  
靡事不綜欽懿弘聖與天比崇萬世作程通祀  
學宮惟此鄰邑遭時屯蒙頽壞不治莫顯其榮  
亟用詢謀詢謀僉同不日而新以報聖功自門  
徂階自庭徂堂周圍新模刊落舊章離樓業倚  
髯形焜煌征行生敬願昭難詳奕奕新宮惟公  
是營既壯既麗長世之經百用具備嚴祀孔殷

登降有儀萬舞充庭增耀峻德撤暢威靈苾苾  
其馨有師之尊耆老嘆嗟耳目發明莘莘生徒  
不戒以興以居以處率我攸行公斯勤斯敷化  
若神登進俊彥擢拔淹淪啓闇以昭革濁以清  
狂狷屬聖靡德不振令聞令望載觀厥成昔在  
濟濟周文以寧品物咸若泰階底平俗厚風淳  
鮮不在能惟公之威允篤斯成恢我教基光我  
文德唯公之功疇是能匹顯顯惟公受天之福  
既多受福永享千祿

俞仲蔚先生集

卷之十七

三

武

武功頌并序代

東夷倭奴肆逆毒流宇內出入數郡之間其郭  
外之聚並海壖與大江最近者尤為賊衝路得  
禍最先雖王旅致討而猶鈎脅黨與阻衆犯威  
稽留天誅未即底定以勤宵旰之憂徵師魏糧  
天下騷然蓋由史士厥平守備不完故也侍御  
史河南尚公被命兼監統軍事公內建忠弼之  
謨外恢干城之略踰年而義聲與稜威俱峻閩  
廓磔落邊境清夷乃以其聚並海壖與大江最



近者宜盡為城以阨賊衝而令役于有司于是  
遂度其所宜城者以華亭之柘林上海之川沙  
嘉定之吳淞江陰之陽舍鎮江之孟河為五城  
而居之而又申令羣司明其伍候戒其兵甲險  
其走集慎其官守以備豫不虞又寧黎蒸焉夫  
莒城惡持陋不備不決辰而楚克其三都君子  
譏其不備楚囊丸城郢而不能衛君子譏其無  
益是故居安而圖其患患至而圖其備備設而  
慎其守文王之城翔方以禦四夷也而以南仲  
俞仲蔚先生集八卷之十七 四

宣王之城東方以屏諸侯也而以仲山甫詩人  
誦之後世則之以其能完守備故也昔五城之  
民得禍最先踏地踰天寄命無所今其父子夫  
婦皆獲熙熙處其室廬而狎其田野若渴得漿  
若寒得衣內外靖安流亡歸附豈非守備之完  
使然哉事大而思重適悅而遠肅是公之于武  
功可謂有加于古矣能無頌乎乃作頌曰  
溟海之壖大江之隅靈落林聚環水而居因田  
而耕因澤而敷目化鋤耨耳絕戈矢天下安瀾

沉潛樂胥民之泮魚實弘我亂婪婪東夷逞其  
雕悍嘯呼煽熾入我郊畷白骨交野凶橋禍延  
惴惴姬姜號天以竄將無專謀兵不宿奠營成  
相潰羣妖周環惟此鞠訥日主月胤英英尚公  
惟良惟聰既文且武齊邁羣龍克膺帝心朝議  
惟同式是明命是經是營監我六師以董不韞  
六師逢逢靡不率從遂成其衝謨此大功連連  
海壖細油大江臨臨新城整賊是屏休我黎蒸  
靡有震驚忘此號竄笑語歡迎是田是畝里門  
俞仲蔚先生集 卷之十七 三  
寢高厓公之謨昌賴以寧既寧以急鮮不斯生  
商恃孟門而國以敗梁滿公宮而民是潰惟善  
之大善在守備公實事事既嫗既响保我封疆  
以薦伊祐我儀其人南仲山甫物有繁植人無  
扎戢嗟我庶類如熙春波我公之功猶彼山河  
不竭不磨億禩靡加

保障江南頌

并序

嘉靖三十有三年春蠢茲倭夷弗諱肆雲中夏  
大江以南糜沸雲亂婪婪狡衆狂趨渾奔攻燔



城邑剽殺將吏百姓流亡歸命無所投緣戍  
屠潰失守者難以比數往往告敗上京殆靡寧  
歲皇帝為之肝食晏寢推命上將卑之提鉞乃  
大舉楚蜀之矯悍齊秦之技擊羗戎之豪酋暨  
閩禺之檝師隱隱輻輳厚集堅重之陣十有餘  
萬期於殄滅乃已餽餉傾於州郡天下騷然夫  
驅天下之全力摧剋折之殘醜泰山壓卵未足  
稱喻然而師之謀律損費傷威亡士無功淹移

歲月時惟侍御史汝南周公膺英詰之上資茂

俞仲蔚先生集

卷之十七

六

師

卓邁之純德蹇諤著節貞亮熙朝達變知機肅  
祇誕命監戎四郡保障江南示德示威有張有  
弛申誦明誓勅部按隊簡稽精堅采拔淪滯賞  
無費留罰不踰制援籌六奇之中決勝千里之  
外謨臣武將袷服緊衣之士莫不拂帽蠶駢爭  
驚推鋒而乃陸格矛盾海蓋矍衝雷厲風驅天  
旋電激建祀姑震鳴鼉藐觀乎高岡流慮乎絕  
垠橫厲睚睨肆險奔欲敵未及覆刃已先加鉞  
鏑所從不期俱殪控絳生俘聯括腐骸棄所獲

蹂滌夷窟彈巢焚星流慧掃反旆回軫以恬以  
嬉函頑既夷宿憤既摠而公尤以亂離斯瘼饑  
饉荐臻閭閻存杼軸之憂城邑無藩籬之固乃  
犯顏剴奏蠲免田租底力辭豐損滋示儉不矜  
不伐雖休弗休帝用酬庸寵以殊典進式多士  
載觀厥成炳文武其並隆兼威德而西懋保障  
之功未有若斯之盛者也昔漢趙克國之伐先  
零竇憲之擊匈奴皆以才技權威希亂圖功窮  
城極邊躡武於不爭之地而揚雄班固之儔猶

俞仲蔚先生集

卷之十七

七

君

著之銘頌至今稱之不絕矧公義在庇民忠惟  
效主游神禮樂之場夷凶射賦之壤俾決力於  
一戰之眇致元功於累挫之餘苟非被之歌頌  
則後世將何所稱法哉某幽介末才學慚庸陋  
雖不足以軼芬先藻揚闡殊烈然不勝慙款敢  
述保障之義作頌一篇六庶萬分之一也頌曰  
芒芒圓象渾渾方儀降祚有明拓統開基肇建  
皇極粲黷以釐俊民用章九有以綏其一

周所不臣漢所未征驟山驟水輦驘航珍狼歌



烏譚玉潤金聲十聖相禪重輝聚明

其二

既輝既明崇極斯圮蠢茲狡夷犯威干紀猛勢

煽熾燧譚駱騃揮鋒成霜飛矢成雨

其三

火烈燎原所澗浮烟載陰載陽上賴玄顏愜愜

士女扶服蹄天野有委骸填坑塞原

其四

師無專策兵交卒潰稔寇資糧挫銳銳我既

無素彼乘其弊覆師敗績毒流宇內

其五

環我華城化為敵墟兮我黎蒸化為敵俘敵強

援闕城危氣孤我之不克日月其徂

其六

俞伸蔚先生集

卷之十七

八

帝赫斯怒誕命帝臣選徒十萬是討是震顯乞

惟公乞武乞文監我六師帝曰汝能

其七

料敵合變恢我鴻算九地匪幽重玄彌燠濟威

能寬處仁則斷臨危引義剋期剪亂

其八

我師無方有紀有綱初服齊志渴關狂攘懦夫

虎奮弱子鷹揚我矛我盾靡用不臧

其九

左屠右芟至於海隅維綃揭櫓連艦接艦島驚

龍掣汨薄空虛曷悟所歷惟敵之暮

其十

于海于陸胥我王旅海扶脩鯨陸斲發窳彼鯨

既窳我噉我哺舉無失策謀無遺譖

其十一

惟彼卒昏亡精怖魂進不及降退不及奔仇頭

髡鬣墮眼瞋瞞悔前之為誰乞予恩

其十二

曰昔狡夷弗諛弗馴邈矣太祖斤而弗賓曷不

斯懲冥頑是嬰恣命不圖以冒天刑

其十三

我之既克遂旋我師我憤既摠告功以時燎悞

閭憚穢惡清夷我有元功匪公孰為

其十四

公有謹言蠲我田租我有饑饉公來其蘇夙夜

罔懈勞謙日躋極溺揀顛曾是以娛

其十五

俞仲蔚先生集

卷之十七

九

其十五

我盾我矛封我蘭錡休我師人藝我禾黍更造

夫婦肇有父子化罔不漸澤靡不侈

其十六

山甫補闕方林禦侮顯允我公曠世同矩既擷

其根又紬厥緒明睿在躬靡德不舉

其十七

洋洋惠風浣浣令猷運合道行益慎厥備寵命

紹至對揚天休文明內止武烈外彪

其十八

湛恩弘濃元功郅隆作冠百辟克始克終天心

愉愉薦成于宗旁暢協氣以及昆蟲

其十九

千祥莽莽萬福穰穰于何不臻惟公是享孰克



明賢而不斯仰垂輝後世增耀疇曩

其二十一

邑侯宋公榮名頌

并序

邑侯宋公蒞政之三年民稱乂安治理著效下  
孚物聽上簡帝衷寵命荐臨方膺顯授七月  
之吉奉召此轅公德在人感被自薦里歌巷詠  
膺至蟻也以往况今事絕稱喻於是邑之耆老  
某等慕切攀轅不期咸萃乃相率咨度思述功  
德以播遐祀粵惟在昔苟有遺愛罔不靡堅勒  
崇褒獎潤色况今親當其事而有缺於揄揚者  
俞神蔚先生集入卷之十七十

乎輒作頌一篇詞之優游文慚炳蔚其詞曰

於鑠休代天啓洪聖克齋克哲龍德中正光臨  
九圍萬景齋鏡乃眷黎蒸登彼髦雋

其一

燁燁我公時惟鳳舉英朗外昭冲夷內美式允  
帝求畀予百里于吳之疆我公戾止

其二

乃振華纓乃綰銅墨屈己弘化示民以則激揚

清流開灑芳澤上法烹鮮下規束濕

其三

義以威稜機遊智刃乃刳不設奸渠自寢宿詔  
靡留疑詞惟允教以德宣情以理準

其四

經畝匡後決壅流清微歛以期麓藜以勤我稼  
曷蓄我賦曷登衆瘼時蠲百廢具興其五

展宥有赫敷施其德夙夜罔懈既完既實積粟  
千箱鴻弦萬室曾是徒勞茂此殊績其六

惟時殷會入覲紫庭對揚王休最于百城帝曰  
汝賢詔于阿衡肆于寵命俾升于京其七

星言過駕于彼翔塗慶雲翼軌祥風播禳我公  
于邁載馳載驅矯矯羣龍奮于天衢其八

煌煌播紳言鋪其藻皤皤鄉耆扶奉道若非仁

俞仲蔚先生集

卷之十七

十一

曷親非賢曷寶民有常懷非公曷表其九

所居民富所去民思尚想前良于傳有之昔聞  
其聲今親其來申頌斯章以永令規其十

耆英頌

并序

耆英頌者為通政張公作也公以初進士授濟  
寧州守其後復補開毫二州所至以惠愛著稱  
於民又能以顯盡譴除巨盜剽石紀功德焉累  
遷至刑部郎中通政司叅議不能降志權貴九  
廟災遂引咎自劾而實非故劾也家居十有餘



載軍事產業乃南尋武夷匡廬之勝北暨瑯琊  
之山沿回數千餘里靡不窮覽無論吳越真可  
謂抗跡區外者矣至若孝友之行克勤於家長  
厚之風足被於俗哉篇流咏汎愛延納包含衆  
品開廓常倫年屆耆期神志彌固羣公虛位尚  
師老成安車之招將賁立壑矧復濟濟哲胤拜  
慶有儀燕喜婆娑榮映南國揆之洛下諸公雖  
世殊地異謂之耆英信無慚德其不敏敢作頌  
曰 浩浩南國萬生哲人才高拔世道茂經綸  
俞仲蔚先生集卷之十七 十二  
撫翼天階以隆德聲冠冕海內羽儀朝廷遐迩  
希風結轍成羣顯顯君子矯跡爭門秉節不阿  
違患愆身飄然遠引以振翬塵寄情嶸嶠願志  
典墳逍遙而遊越載彌旬谷迭夏草熾惑春雲  
僉曰達隱有異沉淪從容自娛抱璞含醇羣公  
讓德欲屈蒲輪尚以非時度俗懷珎揮金當年  
靡計後昆登享壽考松喬與均氣邁壺叟心虛  
谷神載歌白華其樂欣欣敢稱作頌嘉慶日新

吳郡太守太原王公宣風頌

吳郡壤土千里其歲賦及財貨輸于哀師者數  
百有餘萬天下財賦之彊也比承寇亂之後師  
旅繁興飢饉荐至百姓彫敝奸宄滋萌吏皆因  
循守職不可禁制天子以為憂思欲又安之  
郡守非親選置不得往由是大原王公自知鄧  
州及同知鳳翔嘉績丕著克厭上心即擢守茲  
郡公廉敏寬平勞謙篤厚外敷簡大內蘊精明  
事非古不設於政政非經不加於民剴決留獄  
糾別潛蠹懾懼強禦懷保惇弱恢崇峻茂技擢  
俞仲蔚先生集卷之十七 十三 濟  
幽隱勤穡務農飭備要塞踈苛煩之繇除慘酷  
之令濡汪濊之澤敦純懿之風開太平之基宣  
中和之化到官踰年郡中又安遐迹懷慕有加  
厥初同知金華事周君胤昌為公同年進士今  
又為公屬縣民蒙公之化因命某綴文以顯至  
德某亦辱在編戶行能庸劣學術無以自異於  
衆濫獲承公之顏色荷度外之殊禮退而幸慰  
恥于踈躍矧敢自匿其薄伎竊聞太守吏民之  
本昔漢宣帝時拜刺史守相輒親見問觀其言



與行及治理效者加璽書勉勵增秩賜金以寵  
用之故良吏盛於其世稱為中興而益州刺史  
王襄時以政治和平百官樂職欲宣風化於衆  
庶王褒作中和樂職宣布詩依鹿鳴之聲而歌  
之當世以為盛事今公親膺重選以理亂繩真  
能宣風化於茲土昂漢之良吏何以加諸仍俾  
如公者數人列治一時以寵其用於大下則中  
興可幾矣寧無綴述以美之誠以美至德而述  
形容者莫過於頌歌謹作宣風頌一篇庶列之  
俞仲蔚先生集卷之十七 十四

謳謠歌之衢道示刑宇內使襄等不得專休譽  
於曩藉也頌曰

於赫有明惟時誕興受祚自天以奉天刑戡定  
廢亂以有黎蒸荒憬來同四方庶平 其一

既同既平休我師人干戈載輯俎豆斯陳在安  
忘危說言虛稱國玩政逸靡繫不臻 其二

遇矣東夷狡焉是侮惟是華國是師是處空我  
杆軸躡我黍稷瘼此羣黎歸命靡所 其三

帝求明德綏此羣黎申命百司疇克舉之曾是

夙夜慙斯勤斯僉曰惟公實克以綏

其四

帝曰嘉紘与尔剖符自彼鳳翔來此東吳顯顯

惟公承命以趨爰拯其危其疾其驅

其五

公來惟何朱輪華轂玄熊載軾六轡沃沃新綬

若若清風載穆對揚天休靡德不育

其六

倚公之德亶亶翼翼靡不柔嘉靡不為則剪我

杞棘遏我蝥賊古訓是獲不愆不忒

其七

威儀孔赫德音不斲是旬是宣罔或於逸肆成

髦士好此幽側豈曰小愒教鋪俗易

其八

俞仲蔚先生集

卷之十七

十五

爰昔惟良休有烈芳有集威鳳有美甘棠有覺

惟公式是用光如絲如縞其出彌章

其九

湛恩汨汨如彼流泉帝斯萬年公受祿實駢既

多受祿子孫緜綿壽考日躋永享南山

其十



